

襄陽府志

地 260.41
139



大清光緒乙酉年重修

襄陽府志

板藏郡署內

大清光緒乙酉年杏

月開雕嘉平月五竣

重修襄陽府志序

楚北疊遭兵燹閭閻凋敝

大府憫之思所以善其後者而因地制宜幅隕遼瀾體察未周難期經久徵文考獻散佚實多心滋戚焉爰檄郡邑纂修志書備合修通志隨時省覽鑒往轍垂法戒誠爲政之本原守令之重責也時吉林恩君星五守斯郡設局未久遽歸道出余於癸

襄陽府志序

一

未冬捧檄權郡事下車伊始遵行文武歲試越明年試竣搜羅舊籍僅乾隆庚辰歲郡守錢塘陳公白崖編纂一書外此迄無存者然距今已百數十年矣乃復延致紳耆周諮博訪增新沿舊不厭精詳閱十有六月始脫稿付諸手民裝訂成帙上之大府聊供採擇藉以仰副

鑒古證今宜風善俗之至意是役也竊幸

於採訪之餘得道光初年富春周公芸臯
守郡時民殷富樂從勸導城市鄉村分設
義塾八十餘處雖年久不無廢弛而一爲
清釐匪特復舊且覩增新襄人士見義必
爲尤守土者所津津樂道也時

大清光緒十一年歲次乙酉六月乙亥

鹽運使銜署襄陽府事湖北補用知

府古北吉爾哈春序

襄

二



重修襄陽府志序

自封建易而為郡縣親民之官厥惟守令一縣之事
寄於令一郡之事寄於守守令之賢否郡縣之治亂
繫之守令之所關詎不重哉襄陽為楚北大郡上通
關隴下連吳會北控宛洛南達滇黔漢晉以來代為
重鎮故典午之東遷趙宋之南渡忠義之士力爭上
游必以襄陽為扼要晉之平吳元之伐宋皆先取襄
陽為建瓴之勢明之亡也以楊嗣昌熊文燦之柔闇
不先殲獻賊於襄陽以致猖獗直下全楚瓦解而宗
社圯矣粵逆之亂江南各行省悉遭蹂躪晉豫中原
之地大半完善實以襄陽藩籬克守門戶不失故郵
政通行饒道絡繹用成一代中興之業謂非力保襄
陽之故哉余以乙酉秋奉

襄陽府志序

一

天子命來守是邦下車之始訪求民間利弊與夫山川險
要物產殷繁恆慨然於耆舊之凋殘冠蓋之歇絕輒
太息者久之公餘接見紳耆詢其府志之顛末則對

以乾隆二十五年前守錢塘陳君督修之後百餘年
尚未續修今

上嗣服之初前守吉林恩君設志局於府署東偏郡之人
士纂修數年尚未蒞事而恩君下世今年秋書成局
紳請序於余余曰府州縣志書之始蓋昉於元和郡
縣志太平寰宇記後來稱善者武功朝邑尚矣論者
謂武功源出漢書朝邑源出史記以其體例精嚴文
筆疎宕顧二志皆各一人為之所紀又一縣之事可

襄陽府志序

二

從其略襄陽領六縣一州幅員寥濶沿革遷徙代有
增易即使對山五泉秉筆亦難以一二帙則假以歲
月富以簡編亦固其宜抑余則有深慮焉襄陽為南
北衝途宵小出沒又多山而少田土瘠民貧一遇歲
歉攘竊四起移時撿獲俛首駢誅是蚩蚩者之蹈顯
戮也其情亦大可憫豈盡習俗之為害乎將毋牧民
者之撫馭失宜耳余以軫材謬膺劇郡惟思正已率
屬清白自矢與各牧令共勉之以無辱

天子之命無負

朝廷設立郡縣之至意是則區區之心所堪共諒也夫
因書而為之序

光緒十有二年歲在癸卯閏茂壯月知襄陽府事長
白鍾堦謹序



襄陽府志目錄

輿地志一

卷第一

輿圖

說書

沿革表

考附

疆域

輿地志二

卷第二

山川

輿地志三

卷第三

形勝

藩封

輿地志四

卷第四

風俗

物產

輿地志五

卷第五

古蹟

建置志一

卷第六

城池

公署

建置志二

卷第七

祠祀

建置志三

卷第八

鄉鎮

堡砦

建置志四

卷第九

津梁

水利

隄坊壩

善堂

義舉坊

食貨志一

卷第十

戶口

田賦

市衛

鹽池

食貨志二

卷第十一

倉儲

關樞

學校志一

卷第十二

目錄

義陽府志

目錄

二

學宮

學額

學田

學校志二

卷第十三

試院

書院

學校志三

卷第十四

義學

賓興

公車坊

武備志一

卷第十五

軍制

糧械

塘汛

驛鋪

武備志二

卷第十六

兵事

藝文志

卷第十七

金石志

卷第十八

職官志一

卷第十九

歷代職官

職官志二

卷第二十

國朝武職

官績

卷第二十一

選舉志

卷第二十二

薦辟

進士

舉人

貢生

百五

襄陽府志

目錄

三

武進士

武舉 仕籍 封贈 廕襲

人物志一

卷第二十三

歷代人物

人物志二

卷第二十四

歷代人物

人物志三

卷第二十五

列女

人物志四

卷第二十六

流寓

釋老

重修襄陽府志纂輯姓氏

鑒定

前分守安襄鄖荆兵備道陞任湖北按察使司按察使黃彭年

分守安襄鄖荆兵備道盛植型

分守安襄鄖荆兵備道陳維周

督修

鹽運使銜襄陽府知府恩聯

鹽運使銜署襄陽府知府吉爾哈春

襄陽府知府鍾壘

提調

襄陽縣學訓導劉元貴

襄陽府志

姓氏

總纂

優貢生入旗官學漢教習王萬芳襄陽人

協修

候選訓導吳大聲襄陽人

戶部主事涂國盛襄陽人

分修

前石首縣知縣現任陝西渭南縣教諭雷登蟾陝西人

前恩施縣學教諭張恒泰穀城人

舉人李榮綬襄陽人

拔貢生入旗官學漢教習曾俊儒襄陽人

拔貢生錢葆青穀城人

廩

生劉德樹襄陽人

廩

生雷致福襄陽人

廩

生楊楷襄陽人

廩

生高佩琦襄陽人

附

生簡飛雲光化人

繪圖

附

生王萬源襄陽人

總校

襄

陽

府

學

教

授雷春沼

襄

陽

府

學

訓

導王之瑞

襄

陽

縣

學

教

諭王汝霖

百六十三

襄陽府志

姓氏

二

督梓兼理局務

運

同

銜

候

選

知

州曾漢傑

襄陽人

同

知

銜

候

選

通

判楊開炳

襄陽人

分輯

襄

陽

府

同

知王毓芭

襄

陽

府

通

判余逢辰

襄

陽

縣

知

縣梅冠林

署

襄

陽

縣

知

縣宋熙曾

前

任

襄

陽

縣

知

縣左挺生

宜

城

縣

知

縣舒善慶

前

任

南

漳

縣

知

縣朱滋澤

前任光化縣知縣鍾桐山

現任光化縣知縣葉樹南

穀城縣知縣陳慶麟

均州知州馬雲龍

署均州知州湯炳堃

采訪

理問銜州生李春榮

孝廉方正廩生王銘鑾

恩貢生王士林

歲貢生張錫九

歲貢生范希賢

襄陽府志 三 姓氏

附貢生陳嗣龍

廩生孫景襄

增生毛起鳳

附生施德珍

附生吳斐章

附生李鄴封

附生張書奎

篆文

附生汧汝欽

襄陽府志敘例

襄陽舊志見存者下荆南道志乾隆中襄陽府志及同治中新修縣志乾隆志不列綱目輕重失倫道志善矣而子目稍碎縣志於四庫中地志書例頗爲究心大段已具此次修志適當省志開局之後自宜以省志例爲宗而參之道府縣志以折其衷其間小有不同實無私臆若不知而作實爲通人所訶分野之說自來膠轄謹遵

欽定熱河志例刪去此目爲輿地志第一次沿革省志於沿革有圖有表圖增以說今省圖存表以歸簡明後列備考乾隆志例也次置域次山川次形勝次藩封次物產次古

襄陽府志

敘例

蹟省志於陵墓坊表園第寺觀不分子目均附古蹟中今從之

建置一門最難議定明包節陝西行都司志隸學校祀典於建置中四庫提要駁之曰自郡縣山川人物外無不從建置起者能全附建置乎省志例別爲學校志自屬尊崇之意而另立禮儀志祠祀隸焉凡壇廟祭器樂舞等目皆牽連得書今以禮儀不能自成一帙則宜仍歸建置爲建置志第二首城池次公署次祠祀次鄉鎮軍興以來堡砦增次津梁次水利隄坊坊增道志有水利無隄坊省志例有隄坊無水利而以水道圖附隄坊次善堂義舉增

道縣志皆有食貨省志易以經政今仍從舊爲食貨志第

三首戶口次田賦屯衛附蠲卹附次倉儲次關樞

朱長文吳郡圖經續記周淙臨安志皆立學校專門而舊志隸之建置如前所議今依省志例爲學校志第四首學宮學額學田附次試院次書院次義學賓興公車附

襄陽據全楚上游北通宛洛西接漢沔南蔽荆郢東連隨郢爲自古用武者必爭之地嘉慶初以搜捕三省邪匪升襄陽總兵爲提督初駐穀城今移襄陽不虞之戒綦云重矣舊志僅鈔次兵事非也今爲武備志第五首軍制糧械附塘汛附驛鋪附次以兵事

藝文之紀昉自班書分別部居旨深義括方志誤解多以詩文當之而鮮知其非今仿孟堅例惟以先輩所著書名

襄陽府志

敘例

二

四百五十二

著於錄以地爲斷以時爲次其非襄人而書襄事者亦入之爲藝文志第六至於寺文題詠縣志用吳郡志例皆以小字分注於各門之下最爲簡當從之

金石之學肇基歐趙而

國朝稱盛阮氏謝氏粵東西金石略武虛谷安陽偃師金石錄諸書又方志中之金石也襄陽爲漢唐雄鎮古碑之見於酈注及前人箸錄者夥顧舊志無之實爲闕典今不羈迹後益亡徵又襄陽石多而金故渺近日之古甓墓甃亦時時出土竝得附焉爲金石志第七

漢書於百官公卿既有表矣復別爲循吏傳意至深也陸清獻靈壽志例名宦列傳卽著錄秩官門此而合之意在

簡括今從孟堅例而省其表為職官志第八首歷代職官次

國朝武職

說計本

次宦績

職官文止縣丞武止守備從省志例

正史選舉例不列名今方志家皆表而名之省志例得列表者凡七科縣志不為選舉志而增入人物例未盡善又省志例制科中不列孝廉方正今增入而稍嚴其界以會經錄用者為斷其未與考而實有可傳者則自有人物列傳在為選舉志第九曰薦辟曰進士曰舉人曰貢生曰武進士曰武舉仕籍附封贈附廕襲封者舊名傳肇自彥威習書亦名者舊記見馬氏通考襄陽之志人物者遂以為嘉名之錫不知彥威當日不過隨手取名如楚國先

賢汝南先賢傳等耳非以此範圍百氏準的古今也舊志不達此指欲以專屬襄陽人物習書兼及官師流寓域見咫聞甚為無謂至道志以括三府尤為失實今定從通例為人物志第十首歷代人物不分目次列女次流寓次釋老惟於

國朝忠義別為著錄

說詳忠義錄敘

十志之外似已網絡靡遺矣然亦有類無可歸誼難強附事出傳述理宜闕疑或片語單辭足式後進或微文隱意切中時宜者舊志有雜識一門今仿其意而芟其榛蕪別為志餘附以祥異殿於十志之後祥異不入卷者地志非國史比不得以五行志例例之也

爲襄陽上流屏蔽則光化較穀城尤重也均州又在光化西北通荆衡之衝據關陝之要尤爲襄陽上流扼勝之區襄陽憑臨漢水棗陽在漢東光化在漢北餘皆在漢西南其分疆則南均穀爲最大南漳廣表周八百五十五里均州周八百四十里穀城周六百九十里襄棗周各四百六十五里宜城周三百六十七里光化周三百六十里光化昔爲光化軍分穀城之餘宜城名最古分縣爲三故與光化最小郡之得名以在襄水之陽襄故與漢通明萬歷三年老龍隄合遂與檀溪諸流俱微漢水白漢中歷鄖陽東流入均口卽今均州始入襄陽境又東會均水丹水入光化經穀城會筑水粉水東南經襄陽南經宜城而下而襄

陽之唐白二河南漳之蠻河棗陽之白水潯澧亦各滙於漢其道路水則溯漢而上達陝西沿漢而下達於江西由均光交界之小河通龍駒寨抵陝西襄陽之唐河白河通河南鍾宜交界之蠻水通南漳沮漳二水下通江陵棗之白水通漢餘皆不可舟楫陸則北通河南之新野唐縣鄧州內鄉浙川東北通河南桐柏正西與西北皆通鄖陽南通安陸東南通隨州其開道河南自棗陽徑通安陸又鄧州入光化徑通南漳由當陽可入蜀道路錯雜山川險要自古守楚者必以襄陽爲重無襄則荊州不足恃矣夫襄陽有山水之固土田之廣天下無事爲入達之區有事爲兵交之衝未雨綢繆是在守土者責也